

UDRUŽENJE INŽINJERA MEDICINSKE RADIOLOGIJE U F BiH

S T A T U T

UDRUŽENJA INŽINJERA MEDICINSKE RADIOLOGIJE

U F BiH

Na osnovu zakona o udruživanju građana («Službene novine Federacije BiH broj 6/95» a na osnovu člana 9. stav 2.) odlukom osnivačke Skupštine Udruženja inženjera medicinske radiologije u F BiH održanoj dana 16.01.2010. godine donesen je statut Udruženja inženjera medicinske radiologije u F BiH.

## I. OSNOVNE ODREDBE STATUTA

### Član 1.

Ovim Statutom uređuje se naziv,pravni položaj,sjedište,zadatci i ciljevi Udruženja inženjera medicinske radiologije u F BiH ( u daljem tekstu udruženje ).Zatim ovim statutom uređuju se organi,kao i organizaciona šema udruženja,zatim se utvrđuje amblem i pečat udruženja,dužnosti,odgovornosti i prava njihovih članova,kao i druga pitanja od interesa za rad udruženja.

## II. NAZIV,PRAVNI POLOŽAJ I SJEDIŠTE UDRUŽENJA

### Član 2.

Naziv ove organizacije je:Udruženje inženjera medicinske radiologije u F BiH

### Član 3.

Udruženje je dobrovoljna,vanstranačka, stručna organizacija inženjera medicinske radiologije osnovana radi organizovanog djelovanja na unapređenju i poboljšanju zdravstvene djelatnosti,potpunije i efikasnije uloge inženjera medicinske radiologije u toj djelatnosti,a u skladu sa dostignućima medicinske doktrine.

### Član 4.

Udruženje ima svojstvo pravnog lica.Udruženje se upisuje u registar udruženja građana.

### Član 5.

Udruženje ima svoj amblem koji svojim sadržajem predstavlja simbol RTG-cijevi.

### Član 6.

Udruženje ima svoj pečat koji je okrugli,promjera 4cm uz čiji je vanjski rub utisnut tekst:UDRUŽENJE INŽINJERA MEDICINSKE RADIOLOGIJE U F BiH a u sredini kruga je amblem udruženja.

#### Član 7.

Sjedište udruženja je u Sarajevu, Klinički centar-Klinika za radiologiju, Bolnička 25. Udruženje djeluje na području Federacije BiH a i šireg u skladu sa važećim propisima na tim područjima.

#### Član 8.

Rad udruženja je javan. Udruženje preko svojih zastupnika ostvaruje svoju stručnu i društvenu funkciju. Udruženje može da imenuje svoje članove u druge organe zdravstvenih ili drugih organizacija ako se za to ukaže potreba.

#### Član 9.

Udruženje čine kantonalne podružnice inženjera medicinske radiologije u F BiH, koje nemaju svojstvo pravnog lica i ne upisuju se u registar.

#### Član 10.

Udruženje prihvata odnose i suradnju sa udruženjem Radiologa, udruženjem Onkologa, te udruženjem Medicinskih sestara i tehničara Federacije BiH, kao i drugim stručnim srodnim udruženjima u Federaciji BiH i van Federacije BiH.

### III. SVRHA, PROGRAMSKI CILJEVI I DJELATNOST UDRUŽENJA

#### Član 11.

Svrha:

-Praćenje i razvoj medicinskih nauka, posebno iz oblasti radiologije, onkologije i nuklearne medicine.

Ciljevi:

-Razvijanje etičke svijesti-morala, odgovornosti a sve u skladu sa kodeksom etike zdravstvenih radnika Federacije BiH, kao i edukacija inženjera medicinske radiologije putem stručne izdavačke literature.

Djelatnosti:

-Organizovanje inženjera medicinske radiologije u cilju stručnog usavršavanja u vidu kongresa, seminara i simpozija i drugih stručnih manifestacija.

-Podsticanje osnivanja podružnica u kantonima

-Stalna suradnja sa odgovarajućim organizacijama i institucijama u svijetu

Podsticanje i pomaganje stručne i izdavačke djelatnosti u svrhu informisanja i stručnog usavršavanja članova

-Udruženje može osnivati privredne subjekte radi obezbjeđenja sredstava

#### IV.ČLANOVI UDRUŽENJA

##### Član 12.

Članovi udruženja mogu biti građani Federacije BiH koji su diplomirali na Fakultetu zdravstvenog studija-smjer inženjer medicinske radiologije,kao i medicinske sestre uposlene u zoni jonizirajućeg zračenja a koji su pristupili u članstvo udruženja na način određen ovim Statutom.

##### Član 13.

-Zahtjev za učlanjenje u udruženje se podnosi odgovarajućoj podružnici a ova je dužna obavijestiti udruženje o prijemu novih članova.

-Počasni članovi udruženja mogu postati i druga lica iz zemlje i inozemstva a koja su zaslužna za rad i unapređenje udruženja.

-Odluku o sticanju zvanja počasnog člana udruženja donosi Skupština udruženja na prijedlog podružnica i predsjedništva udruženja.

##### Član 14.

Članstvo u udruženju prestaje:

-Svojevoljnim istupanjem

-Isključenjem na osnovu odluke suda časti udruženja

-Ne plaćanjem članarine za jednu godinu

-Pravosnažnom odlukom suda zbog krivičnog djela

-Zbog neprijateljskog i sličnog djelovanja te ako je uz glavnu sudsku kaznu izrečena i kazna zabrane bavljenja stručnim poslovima.

##### Član 15.

Članovi udruženja imaju pravo da biraju i da budu birani.

## V. ORGANIZACIONA ŠEMA I ORGANI UDRUŽENJA

### Član 16.

Udruženje čine kantonalne podružnice.

### Član 17.

Organi udruženja su:

1. Skupština
2. Predsjedništvo
3. Nadzorni odbor
4. Komisije
5. Sud časti

### Član 18.

#### V.1. SKUPŠTINA UDRUŽENJA

Skupština je najviši organ upravljanja udruženja.

-Skupštinu čine zastupnici podružnica kantona. Svaka podružnica bira 2/dva /zastupnika. Mandat zastupnika traje 4/četiri/ godine i niko ne može biti biran više od 2/dva/ puta uzastopno.

### Član 19.

Skupština udruženja saziva se svake 4/četiri/ godine. Skupština može biti sazvana i češće i to na zahtjev jedne polovine podružnica ili pak jedne trećine skupštinskih zastupnika. Sjednice skupštine saziva predsjedništvo udruženja.

### Član 20.

Skupština analizira rad u predhodnom periodu i to rad predsjedništva, suda časti, izvršnog odbora podružnice te daje ocjenu i smjernice o radu.

Skupština ima sljedeće zadatke:

1. Donosi i usvaja statut udruženja kao i njegove izmjene i dopune
2. Imenuje predsjedništvo i komisije udruženja

- 3.Ovlašćuje predsjedništvo kao i izvršni odbor podružnica da imenuju sud časti
- 4.Utvrdjuje program izdavačke djelatnosti
- 5.Usvaja finansijski izvještaj za protekli period,te utvrđuje finansijski plan za naredni period
- 6.Donosi program rada udruženja
- 7.Donosi pravilnik o dodjeljivanju priznanja i nagrada
- 8.Utvrdjuje smjernice za program suradnje sa organizacijama i udruženjima u zemlji i svijetu
- 9.Bira počasne članove udruženja

## V.2. PREDSJEDNIŠTVO UDRUŽENJA

### Član 21.

Predsjedništvo udruženja je izvršni organ udruženja koji je u funkciji skupštine između dva zasjedanja skupštine.

### Član 22.

Članovi predsjedništva su zastupnici koji se biraju na skupštini.Pri izboru treba voditi računa o teritorijalnoj,nacionalnoj i spolnoj zastupljenosti članova.

### Član 23.

Članovi predsjedništva su:

- predsjednik
- dopredsjednik
- blagajnik
- šest članova.

### Član 24.

Predsjedništvo može za vršenje određenih poslova angažovati i tehničkog sekretara koji radi po uputama predsjedništva.

### Član 25.

Mandat predsjednika i sekretara predsjedništva je 4 /četiri/ godine uz mogućnost dva uzastopna izbora od po 4 /četiri/ godine.Mandat ostalih članova predsjedništva je 4 /četiri/ godine.

## Član 26.

Predsjedništvo zastupa udruženje u državi i inozemstvu te u tom smislu ima posebne zadatke a to su:

1. Utvrđuje prijedlog programa i planova udruženja
2. Podnosi izvještaj o radu skupštini udruženja
3. Odlučuje o osnivanju podružnica kao i o njihovom eventualnom ukidanju
4. Imenuje članove komisija
5. Organizuje stručno administrativnu službu za udruženje
6. Donosi i ostvaruje program međunarodne suradnje udruženja a na osnovu smjernica skupštine udruženja
7. Utvrđuje prijedloge za izmjenu i dopunu statuta
8. Bira članove redakcionog odbora za časopise koji se planiraju pokretati
9. Organizuje vođenje finansijskog poslovanja u skladu sa stavovima i zaključcima skupštine udruženja
10. Realizuje programe i odluke od strane skupštine udruženja
11. Pregovara i zaključuje ugovore sa donatorima i sponzorima, TV i novinskim organizacijama, farmaceutskim kućama i drugim pravnim i fizičkim licima a sve u svrhu funkcionisanja udruženja.

Predsjedništvo obavlja i druge poslove koje mu povjeri skupština udruženja.

## Član 27.

Predsjedništvo se sastaje jednom u 2 /dva/ mjeseca. Radom predsjedništva rukovodi predsjednik predsjedništva a u njegovoj odsutnosti zamjenjuje ga dopredsjednik ili jedan od članova predsjedništva koga predsjedništvo imenuje. Predsjednik može sazvati sjednicu predsjedništva na sopstvenu inicijativu ili na zahtjev najmanje 3 /tri/ člana predsjedništva.

Sjednicama predsjedništva mogu prisustvovati i drugi članovi udruženja kad je to u interesu predsjedništva.

## Član 28.

Ukoliko z bilo kojih razloga dođe do upražnjavanja mjesta nekih od članova predsjedništva ona se popunjavaju kooptiranjem novih članova do sljedeće skupštine udruženja.

## Član 29.

Predsjednik predsjedništva ima posebne zadatke i to:

1. Predstavlja i zastupa Udruženje inženjera medicinske radiologije u F BiH

2. Saziva i predsjedava sjednicama predsjedništva i skupštine udruženja a na osnovu odluke predsjedništva
3. Planira, koordinira, organizuje i sprovodi sve aktivnosti predsjedništva i njegovih komisija, te prati rad finansijskih, stručnih i administrativnih službi predsjedništva udruženja
4. Ostvaruje kontakte sa preduzećima, ustanovama i drugim pravim i fizičkim licima u cilju obezbeđivanja sponzorstva i donatorstva za aktivnosti udruženja
5. vrši i druge poslove koje mu povjeri skupština i predsjedništvo udruženja i riješava tekuća pitanja između zasjedanja predsjedništva i skupštine udruženja
6. Predsjednik predsjedništva, odnosno predsjednik udruženja za svoj rad odgovara skupštini udruženja a za zadatke koje je primio od predsjedništva odgovara predsjedništvu udruženja.

#### Član 30.

Dopredsjednik predsjedništva u potpunosti zamjenjuje predsjednika u slučaju odsutnosti ili spriječenosti da prisustvuje sastancima, te poslije njega je najodgovorniji za aktivnosti i efikasnosti u radu predsjedništva.

#### Član 31.

Sekretar predsjedništva surađuje sa predsjednikom u pripremi sjednica predsjedništva i skupštine kao i o drugim poslovima u radu udruženja. Odgovoran je za administrativne poslove a učestvuje u sastavljanju dnevnog reda za sjednice udruženja te piše i dostavlja pozive za iste.

U slučaju spriječenosti sekretara da obavlja svoju funkciju zamjenjuje ga jedan od članova predsjedništva kojeg predsjedništvo odredi.

Predsjednik udruženja i sekretar udruženja posebno se brinu o izvršavanju svih odluka predsjedništva i skupštine udruženja. Oni ostvaruju suradnju između podružnica. Staraju se o materijalnom položaju udruženja.

Predsjednik i sekretar udruženja osiguravaju vođenje administrativnog, tehničkog te izdavačkog poslovanja udruženja. Posebni zadatci predsjednika i sekretara udruženja su kontakti sa međunarodnim srodnim udruženjima.

Predsjednik, dopredsjednik, sekretar i blagajnik su potpisnici dokumenata o finansijskom poslovanju udruženja.

#### Član 32.

Blagajnik udruženja vodi evidenciju računa i brine oko uplate članarine, te kontroliše prihode i rashode udruženja. Blagajnik obezbjeđuje vršenje administrativnih poslova vezanih za finansijsko poslovanje udruženja. Blagajnik svakih 2 /dva/ mjeseca obavještava predsjedništvo o finansijskom poslovanju te priprema godišnji izvještaj i završni račun a sve u skladu sa zakonskim propisima.



### V.3. NADZORNI ODBOR

#### Član 33.

Nadzorni odbor kojeg imenuje skupština vrši nadzor nad cjelokupnim radom udruženja. Nadzorni odbor broji 3 /tri/ člana i imenuje se na 4 /četiri/ godine. Nadzorni odbor podnosi godišnji izvještaj o svome radu te iznosi zapažanja u toku tog rada. Svoj izvještaj nadzorni odbor podnosi skupštini.

### V.4. SUD ČASTI

#### Član 34.

Sud časti je organ koji odlučuje o povredi Statuta etike zdravstvenih radnika članova udruženja, kao i drugih povreda koje nanose štetu časti i ugledu inženjera medicinske radiologije i zdravstvenih radnika u cjelosti.

#### Član 35.

Sud časti ima predsjednika i još 4 /četiri/ člana koji se biraju na 4 /četiri/ godine. Članovi suda časti ne mogu biti birani u druge organe udruženja.

#### Član 36.

Sud časti radi prema pravilniku koji donosi skupština. Sud časti zasjeda u punom sastavu. Odluke donosi većinom glasova. Glasanje se obavlja tajno. Pri odlučivanju sud mora da vodi računa o kodeksu i etici zdravstvenih radnika u usvojenim normama ponašanja.

#### Član 37.

Sud časti raspravlja i donosi odluke i o žalbama sudova časti podružnica kao drugostepeni organ.

#### Član 38.

Kazne koje ističe sud časti su:

-Opomena, javna opomena i isključenje iz udruženja

-Na odluku suda časti žalba se ulaže skupštini udruženja koja odluku može promijeniti ako se za to izjasne 2/3 prisutnih zastupnika skupštine.

#### Član 43.

Skupštinu podružnice čine članovi udruženja podružnice kantona.

#### Član 44.

Osnivačku skupštinu podružnice saziva inicijativni odbor na kojoj se biraju organi podružnice. Skupština podružnice se održava svake 4 /četvrte/ godine a po potrebi i ranije. Princip rada i trajanja mandata organa podružnica je istovjetan kao u udruženju.

#### Član 45.

Izvršni odbor bira skupština podružnice

Izvršni odbor čine:

- predsjednik
- dopredsjednik
- blagajnik i
- sekretar i još 3 /tri/ člana.

#### Član 46.

Izvršni odbor podružnice je izvršni organ koji rukovodi radom podružnice, a naročito ostvaruje zadatke i ciljeve koji su utvrđeni ovim statutom.

Izvršni odbor podružnice odgovoran je za svoj rad skupštini podružnice.

#### Član 47.

Organi podružnice imaju ista prava, dužnosti, obaveze i odgovornosti koje su ovim statutom određeni za organe udruženja i rade na istim principima.

#### Član 48.

Sud časti podružnica radi na istim principima kao i sud časti udruženja a ingerencije su mu opisane u članovima 34, 35, 36, i 37 Statuta udruženja.

## VIII. FINANSIJSKO POSLOVANJE

### Član 49.

Udruženje vodi svoje materijalno i finansijsko poslovanje na način koji je zakonom propisan.

### Član 50.

Prihodi udruženja i podružnica su:

- Članarina,
- Od dobiti privrednih subjekata koje je osnovalo udruženje,
- Kamata na oročena sredstva.
- Donacije i sponzorstvo.

Način korištenja i raspolaganja sredstvima udruženja utvrđuje Predsjedništvo udruženja na osnovu godišnjeg finansijskog plana skupštine udruženja.

## IX. PRESTANAK RADA UDRUŽENJA

### Član 51.

Udruženje može prestati raditi, odnosno može se raspustiti ako se za o izjasne 2/3 članova skupštine udruženja.

### Član 52.

Ovaj Statut stupa na snagu danom usvajanja na osnivačkoj skupštini udruženja.

Šehić Đevad